

懷遠縣志卷之十三



賜進士出身安徽鳳陽府懷遠縣知縣孫讓脩

古城戍考

古向城在縣西四十里

春秋隱二年莒人入向杜註向小國也譙國龍亢縣東南有向城

春秋襄十四年季孫宿叔老會晉士匄齊人宋人衛人鄭公孫薑曹人莒人邾人滕人薛人杞人小邾人會吳于向京相璠曰向楚地

漢書地理志沛郡向故國春秋時莒人入向姜姓

懷遠縣志卷之十三

考城戍

一

炎帝後師古曰音餉

後漢書王霸傳建武十三年增邑戶更封向侯章懷

註向縣屬沛郡左傳曰莒人入向今密州莒縣南又有向城

續郡國志沛國向本國

水經註北肥水又東南逕向縣故城南地理志曰故向國也世本曰許州向申姜姓也炎帝後京相璠曰向沛國縣今并屬譙國龍亢也杜預曰龍亢縣東有向城漢世祖建武十三年更封富波侯王霸為侯國即此城俗謂之圓城非

縣舊志向城在縣西四十里渦水之陽今為故縣

村按村旁宮家溝東掘地往往得古城甃

按向地見春秋經傳者凡六隱二年莒人入向十一年王與鄭人蘇忿生之田向宣四年公伐莒取向僖二十六年公會莒子衛甯速盟于向襄十一年傳諸侯會于北林師于向十四年會吳于向杜註于入向以為古龍亢東南于與鄭之向云在軹縣西于取向盟向云莒邑于師向云在潁川長社縣東北於會向但云鄭地古今地志書著向地者漢書地理志沛郡向縣古向國續郡國志潁川長社縣有向鄉于欽齊乘沂州西南一百里有向城

懷遠縣志卷之十三

考城戊 二

太平寰宇記莒縣西南有向城龍亢之向今懷遠地長社之向今開封府尉氏縣地莒縣沂州之向

今莒州地軹縣之向今懷慶府濟源縣地詩皇甫作都于

向即杜氏沿漢志之說以莒人入向為沛國之向

恐非是春秋之莒即今莒州距今懷遠且千里蕞爾之莒豈能懸師遠入人國竊意莒所入之向乃

沂州之向莒人向而兼其地而魯復伐莒而取之後遂為會盟所耳沛國之向乃會吳之向中國會

吳皆就之于淮上如鍾離今鳳陽善道今盱眙皆是也

當以京相璠之說為正

當塗故縣在塗山之麓

漢書地理志九江郡當塗侯國莽曰山聚 功臣

表當塗康侯魏不害正和二年封莽敗絕

後漢書光武十王傳永初四年封任城貞王弟亢
爲當塗鄉侯

隋書地理志塗山舊曰當塗開皇初改曰塗山

大清一統志當塗故城在懷遠縣東南漢武帝征
和二年封魏不害爲當塗侯國屬九江郡漢志注
應劭曰禹所娶塗山侯國也有禹虛三國時縣廢
晉太康元年復置成帝時淮南民多南渡江乃僞

懷遠縣志卷之三

考城戌

三

立當塗縣於江南而故縣廢爲馬頭城升平三年
豫州刺史謝萬遣劉建脩治馬頭城自率衆入渦
潁水經注淮水逕馬頭城北魏馬頭郡治卽當塗
故城也隋書志鍾離郡塗山舊曰當塗後齊改曰
馬頭置郡曰荆山開皇初改縣曰塗山廢郡唐書
地理志鍾離武德七年省塗山縣入焉縣志今爲
馬頭集在縣西南二十里又新城在縣南四十里
遺址尙存

江南通志當塗城在懷遠縣西南二十里古塗山
氏國漢置當塗縣屬九江郡今爲馬頭集水經注

云淮水經馬頭城北魏馬頭郡治卽當塗故城
讀史方輿紀要當塗城在縣東七里塗山北麓下
古塗山氏國漢爲當縣屬九江郡武帝封魏不害
爲侯邑後漢仍爲當塗縣建安十三年孫權圍合
淝使張昭攻當塗不克縣尋廢晉初復置屬淮南
郡安帝時立馬頭郡及僞置諸縣于其地宋齊因
之後魏亦爲馬頭郡地魏收志馬頭郡領蘄縣等
縣正光中陷天平中復治建平城蓋當塗故城西
高齊曰馬頭縣改置荆山郡隋開皇初郡廢改縣
曰塗山屬濠州唐武德四年并入鍾離

懷遠縣志卷之三

考
城戍

四

乾隆府廳州縣志當塗故城在縣東南
縣舊志當塗城在縣東塗山北麓故址爲淮所圮
矣

按諸書皆言當塗故城在縣東南不著其地惟方
輿紀要及舊縣志云在塗山北麓舊縣志并云爲
淮所圮相視地勢塗山之北俱直逼淮水無地可
以容一城若云已淪于淮則淮流此處亦不甚廣
又別無故基址瓦礫可以按尋者當是臆說耳而
水經注明言魏馬頭郡治卽當塗故城其言要可
依據也

龍亢故縣在今龍亢鎮

漢書地理志沛郡龍亢

史記建元以來侯者年表龍亢侯樛廣德元鼎五年侯索隱曰晉灼云龍闕左傳齊侯圍龍龍魯邑

蕭該曰廣德所封止是龍有亢者誤也

按漢書功臣表但云

龍侯無亢字故蕭該云然考齊侯圍龍之龍史記曾世家作隆而漢書地理志別無龍縣龍亢縣下不著侯國者未幾即除也

水經註渦水又東南逕龍亢縣故城南漢建武十

三年世祖封傅昌為侯國故語曰沛國龍亢至山

桑者也

按後漢書傅俊傳建武七年卒子昌嗣徙封蕪湖侯酈氏以為封龍亢未審所據

懷遠縣志卷之三

考城戍

五

又渠水篇經又東南過龍亢縣南注沙水逕城北

又東南逕白鹿城北而東注也

太平寰宇記宿州蘄縣龍亢故城在縣南八十里

開皇六年廢隸蘄縣

大清一統志龍亢故城在懷遠縣西漢置龍亢縣

屬沛郡元鼎五年封樛廣德為侯邑後漢屬沛國

晉改屬譙郡東晉後廢梁普通六年趙景悅拔魏

龍亢城因置龍亢郡魏書地形志譙州有龍亢郡

梁武置仍領龍亢縣武定六年置是也隋開皇初

郡縣俱廢唐武德四年析夏邱縣地復置貞觀八

年省縣志龍亢城俗名柴王城今爲龍亢集在縣西北七十五里

讀史方輿紀要龍亢城在縣西北八十五里渦水之陽漢沛郡屬縣也後漢仍屬沛國晉屬譙國南渡後廢僑置于今和州之境魏收志太和十九年置下蔡郡龍亢縣屬焉蕭梁置龍亢郡領龍亢等縣東魏北齊皆因之隋郡縣俱廢唐初復析夏邱置龍亢縣貞觀中省今縣有龍亢村亢讀作岡南史齊建武末裴叔業攻渦陽別遣軍主蕭潰等攻龍亢破魏兵梁普通六年趙景悅拔龍亢卽此城

懷遠縣志卷之十三

考城戍

六

也

江南通志龍亢城在懷遠縣西北七十里今爲龍亢集

縣舊志龍亢城俗名柴王城在縣西七十里

乾隆府廳州縣志在縣西北七十五里龍亢集

湯若荀曰今龍亢滙源橋北俗名上集前臨抄河西至崇寧寺二里東至蕭橋一里餘地皆瓦礫碎如鷄卵居人于耕耘處時獲金石殘器其爲龍亢舊城無疑舊志以柴王城當之非是

又按水經注於陰溝水篇云東南逕龍亢縣故城

南而於渠水篇經云沙水東南過龍亢下注云逕故城北則欠水之南別有一龍亢故城矣今欠水之南自劉家集以上別無故城意北字乃南字之訛也

平阿故縣在今孔岡

史記齊田完世家宣王七年與魏王會平阿南正義曰沛郡平阿縣也

漢書地理志沛郡平阿侯國莽曰平寧 外戚恩澤侯表平阿安侯譚河平二年封建武二年絕

水經註淮之西有平阿縣故城王莽之平寧也建

懷遠縣志卷之三

考城 七

武十三年更封耿阜為侯國

按後漢書耿純傳建武十三年純卒子阜

嗣徙莒鄉侯不云平阿未知酈氏所據

大清一統志平阿故城在懷遠縣西南漢成帝河

平三年封王譚為平阿侯國屬沛郡後漢建武十

三年更封耿阜為平阿侯後為縣屬九江郡晉屬

淮南郡東晉後廢水經註淮西岸有平阿縣故城

縣志有平阿集在縣西南六十里平阿山下按魏

志譙州高塘郡有平阿縣在今天長縣及高郵州

界蓋南北僑置非故城也

江南通志平阿故城在懷遠縣西南六十里戰國

時齊邑漢為縣今有平阿集在縣西南平阿山下
按魏收志云譙州高塘郡有平阿縣在今天長縣

及高郵州界蓋梁時僑置于此非故縣也按梁太清時侯

景之亂淮南郡縣盡沒於魏然其境止及鍾離盱眙不能至高郵也今定遠尚有高塘館之名高塘

郡當即置于定遠平阿即縣境之平阿耳

縣舊志平阿山在縣西南六十里漢有平阿縣因

山為名

乾隆府廳州縣志平阿故城在縣西南六十里平

阿集

讀史方輿紀要平阿城在縣北三十里戰國時為

懷遠縣志卷之三 考城戍 八

齊邑魏惠王三十五年與齊宣王會于平阿南是

也後屬于楚漢置平阿縣屬沛郡後漢屬九江郡

光武更封耿阜為侯邑三國曹魏嘉平初兗州刺

史令狐愚屯于平阿以拒吳人是晉屬淮南郡永

嘉後廢梁復置平阿縣屬高塘郡魏因之後周廢

按水經注淮水又北沙水注之淮之西有平阿城

則平阿故城當在沙水入淮處今縣境孔岡南距

欠十餘里東北距淮五六里有舊城址周圍六七

里當即故平阿縣其地距塗山不遠故續後漢志

云平阿有塗山也通志及舊府縣志云古縣西南

六十里蓋以平阿山當平阿城不知城若在山下則距淮西北甚遠酈氏不當云淮之西有平阿故城今山下亦更無舊城遺址 紀要通志皆據齊魏會于平阿之文遂以此爲齊邑亦非戰國時淮南北皆楚地也當從孟嘗君傳作東阿耳

義成舊縣卽渦口城今名拖城村
漢書地理志沛郡義成 功臣表義成侯甘延壽
竟寧元年封

大清一統志義成故城在懷遠縣東北漢竟寧元年封甘延壽爲義成侯國屬沛郡後漢改屬九江

懷遠縣志卷之三

考城成 九

郡晉屬淮南郡東晉後省魏書地形志復有義成縣屬仁州臨淮郡齊并入穀陽縣水經註義成世謂之楮城其地當渦水入淮處亦名渦口元和志貞元濠州西渦口對岸置兩城刺史常帶兩城使以守其要縣志有拖城在縣東北十五里卽古渦口城亦卽義成縣明一統志在縣西北四十里誤水經註淮水篇淮水又東北逕沛郡義成縣東陰溝水篇北肥水又東南逕義城南世謂之楮城非 又渠水篇經又東南過義城縣西南入于淮註義城縣故屬沛後隸九江

趙一清水經註釋曰水經渠水篇云又東南過義成縣西南入于淮此篇註云渦水 沙水東南流逕荆山左合北肥水又東注于淮今鳳陽府懷遠縣東北十五里有渦口城又東北四十五里有向城卽渦水入淮之處與漢志合故道元以經言下邳淮陵入淮爲非此義城卽沛郡之義成縣胡渭云義成故城今名拖城顧祖禹云渦口城今訛爲菴城渦菴音韻聯而註又有楮城之目殆字形之變耳

讀史方輿紀要渦口城在縣東北十五里今譌爲

菴城齊建武末裴叔業攻渦陽魏將王肅等馳救叔業引還爲魏所敗還保渦口唐時于渦口對岸築兩城刺史常帶兩城使建中二年李正己叛遣兵扼埇橋渦口江淮進奉船千餘艘泊渦口不進詔以張萬福爲濠州刺史萬福馳之渦口立馬岸上悉發江淮進奉船相銜以進淄青將睨睥不敢動李吉甫云濠有渦口之險是也五代周顯德三年攻唐淮南周主至濠州時渦口奏新作浮梁成遂如渦口置鎮淮軍明年城鎮淮軍爲二城夾淮水徙下蔡浮梁于其間以扼濠壽應援之路會淮

水漲唐濠州將郭廷謂以水師沂淮欲掩不備焚浮梁爲周將趙匡贊所敗周主尋命白訓戍鎮淮軍鎮淮軍蓋卽渦口城也宋紹興初僞齊劉猷自渦口侵定遠嘉定十二年金人分道寇淮南至楚州賈涉使李全要其歸路全進至渦口敗金人于化胡陂

江南通志義成故縣在懷遠縣東北十五里其地當渦水入淮處亦名渦口舊縣志云有拖城在縣東北十五里卽古渦口城地明一統志謂義成在縣西北四十里

懷遠縣志卷之三

考城戍 十二

乾隆府廳州縣志義成故城在縣東北十五里卽古渦口城

曲陽故縣在龍頭壩

漢書地理志九江郡曲陽侯國莽曰延平亭水經註淮水又右納洛川于西曲陽縣北洛水北逕西曲陽縣故城東王莽之延平亭也應劭曰縣在淮西之陽下邳有曲陽故是加西也

太平寰宇記定遠縣古曲陽城在縣西北九十五里秦爲曲陽縣王莽割入陰陵縣

按此語不知所本

江南通志曲陽城在定遠縣西北九十五里

讀史方輿紀要定遠縣曲陽城在縣西北九十五里漢縣治此晉廢後魏復置屬北沛郡梁普通六年曹景宗拔魏曲陽水經註洛水經淮南曲陽故城蓋亦是時戍守處隋志梁置九江郡後齊廢郡爲曲陽縣後周又廢曲陽入定遠卽此城矣

按縣東南七十里龍頭壩之西濱洛水有廢城址洛水穿其中而行基址依約可辨東西幾十餘里卽古曲陽也有城隍廟方慄云土人舊稱爲冀州城隍廟土人稱大王廟在上窰東南二十里洛水東岸夏月水大宛在水中

懷遠縣志卷之三

考
城戍 三

馬頭郡卽當塗故城

宋書州郡志徐州刺史部馬頭太守屬南豫州故淮南當塗縣地晉安帝立因山立名去京都水一千七百五十陸六百七十一

水經註淮水自莫邪山東北逕馬頭城北魏馬頭郡治也故當塗縣之故城也

太平寰宇記鍾離縣馬頭城在縣西一百一十七里按晉太元二年謝元爲兗州刺史以爲馬頭城

按州郡志永和十一年謝尙鎮馬頭樂氏此語殊失考至義熙元年立爲馬

頭郡緣山形爲名顧野王輿地志云其界卽當塗

山國之舊地也梁大通元年刺史劉公茂移居新

城從茲遂廢按此語亦不知所本

通鑑地理通釋曰通典晉謝尚鎮馬頭城在盛唐

縣北通典壽州盛唐漢霍山縣晉永和郡縣志縣中謝尚鎮馬頭城即今縣北也

北二十里今安豐軍六安縣輿地廣記六安縣北

宋志馬頭太守屬南豫州故淮南當塗縣地按晉時豫

州刺史或鎮壽陽或鎮歷陽或鎮馬頭皆扼南北形要馬頭自當是馬頭郡其地扼洛口渦口與鍾

離壽陽犄角也無緣至六安霍山山僻之地通典于濠州下既註云舊當塗縣晉安帝立馬頭郡復

于盛唐下別出謝尚所鎮之馬頭頗軾轄王氏引郡縣志輿地廣記以實通典之說而又綴宋志于

末尤不可解

懷遠縣志卷之十三 考 城戍 十三

讀史方輿紀要馬頭城在縣西南二十里下臨淮

河舊志云在縣西二十里又西二十里有梁時所

置馬頭新城下有新城淮河渡沈約曰馬頭郡晉

安帝立因山形如馬頭而名領虞縣等縣屬南豫

州虞縣亦僑置縣也宋元嘉二十七年魏人分道

南寇遣將長孫真趣馬頭拓拔英趣鍾離既而拓

拔仁逼壽陽馬頭鍾離悉被焚掠齊建元二年魏

拓拔琛攻拔馬頭城殺太守劉從梁天監五年魏

將元英等復取梁城逐北至馬頭城攻拔之尋復

入于梁梁末魏復取之陳大建五年伐齊沈善慶

克馬頭城是也南齊志馬頭郡領已吾縣蓋分虞縣地僑置齊以虞縣屬鍾離縣後魏復析置蘄縣並爲當塗故地隋省輿程記今縣西二十二里地名馬頭城爲往來渡淮者必經之地蓋卽南北朝時故郡治矣胡氏曰當塗故城南北朝兵爭之際爲馬頭城胡氏蓋誤以當塗城爲馬頭城云 按顧氏誤以塗山北麓別有一當塗城故強生此分別其實非是馬頭卽當塗說本水經注亦不當以規胡氏也

舊縣志馬頭城在縣南二十里卽馬邱聚之地續

懷遠縣志卷之十三

考城成

十四

漢書注曰當塗有馬頭聚通典曰晉永和間謝尚鎮馬頭城蓋始易名也

錢大昕二十一史考異按漢沛郡有建平城章懷

太子云建平故城在今亳州鄆縣西北一名馬頭

城

後漢書銚期傳註

卽此馬頭郡也魏時淮南北皆有馬

頭郡此南兗州之馬頭領蘄已吾下邑三縣在淮

北又楚州

治鍾離

亦有馬頭郡領蘄平預二縣在淮

南今懷遠縣西南有馬頭城是也

按馬頭城在淮水濱縣南別有馬頭集在渦水之濱晉魏之馬頭郡城卽今馬頭城非馬頭集也通

志字誤耳

廢零縣廢虞縣廢濟陽縣

宋時州郡志馬頭太守故淮南當塗縣地領縣三
虞縣令零縣令濟陽令

按虞與濟陽皆僑置于縣境今其地無考

廢已吾縣卽平阿故城在孔岡

南齊書州郡志馬頭郡領縣一已吾

魏書地形志楚州沛郡領縣三已吾有塗山荆山
乾隆府州廳縣志已吾廢縣在縣北三十里名古
城

懷遠縣志卷之十三

考城戍

五

按已吾有塗山荆山則其地在今縣治左右疑卽
漢之平阿縣地在今縣南之孔岡者續漢志云平
阿有塗山魏書志亦云已吾有荆山塗山是也許
所望曰今孔岡有已吾澗俗訛爲伊唔澗

廢汴郡廢蕭縣在今劉家集

魏書地形志譙州汴郡領縣二蕭有平阿山

江南通志廢汴郡在懷遠縣西南魏收志云譙州
有汴郡梁武帝置

按蕭有平阿山其地當在今縣西南許所望言今
欠河南劉家集東有古城堦長數里土人謂之慈

鴉城距平阿山十餘里當是也 通志謂廢汴郡
在縣西南不知所本

廢龍亢郡廢葛山縣在今葛山寺

魏書地形志譙州龍亢郡蕭衍置魏因之領縣二
葛山武定六年置龍亢武定六年置

太平寰宇記蘄縣葛城戍在縣南九十里後魏地
形志葛山縣屬龍亢郡北齊天寶七年廢入龍亢
縣隋開皇六年為戍十六年廢

按縣西河溜集有葛山寺即古葛城戍也其居民
猶多葛姓距舊蘄縣九十里

懷遠縣志卷之三

考城戍

六

廢北譙郡廢梁郡蒙家縣在今洛河鎮左右

魏書地形志揚州治梁郡領縣二蒙有馬頭城

太平寰宇記引輿地志宋明帝于淮南立梁郡領

北譙北梁蒙城父四縣梁克壽春後立北譙郡于

故曲陽地北譙蒙二縣屬焉 按宋書州郡志無

立梁郡之文

讀史方輿紀要鳳陽縣梁城在府西南九十里亦

曰南梁城晉太元中僑立南梁郡於淮南兼領僑

縣義熙中土斷始有淮南故也屬南豫州宋大明

六年屬西豫州改為淮南郡八年復故齊曰梁郡

梁因之胡氏曰其地在鍾離西南壽陽東北梁天監五年徐州刺史昌義之與魏將陳伯之戰于梁城敗績伯之尋自梁城來歸義之因進克梁城既而魏將邢巒與元英合攻鍾離義之引退六年元英攻鍾離不克單騎遁走梁城緣淮百餘里尸相枕籍十五年魏將崔亮攻下蔡斷淮流義之屯梁城不得進後魏仍置南梁郡隋開皇初廢五代志壽春縣舊有南梁郡治睢陽亦晉宋間僑縣也今淮河中有梁城灘東至洛河口二十五里按晉僑立南梁郡此語未知所本云在鳳陽縣西南九十里今鳳陽西南境不能九十也梁城灘今亦無此地名未審所據

懷遠縣志卷之三

考城戍

七

按梁魏屢爭梁城蓋卽梁郡之城今洛河鎮東南衆興集有古城址南北土阜凡十二處其集西二土阜相傳爲梁城西門四圍隆起約周五里許土人猶有知爲古梁城者蒙有馬頭城當卽梁劉公茂所移之新城

廢彭沛二郡廢南陽縣廢洛陽縣中陽縣無考

魏書地形志彭沛二郡領縣三南陽有曲陽城中陽洛陽

趙一清水經註釋曰此洛陽卽洛澗之陽也
按二城相連皆當在洛水之北古曲陽左右而其
地皆無考

渦陽舊城今名古城

水經註陰溝水篇渦水又東經渦陽城北臨側渦
水魏太和中為州治一清按寰宇記後魏孝文帝
時置渦州卽山桑城其地後
入于梁復入魏改為譙州改譙
縣為渦陽縣州治上疑落渦字以孟表為刺史後
罷州入郡衿帶場戍

魏書地形志譙州治渦陽城領郡七南譙郡領縣
四渦陽武定六年置有北平城曹操祠

懷遠縣志卷之三 考 城戍 六

縣舊志古城卽渦陽城在縣北三十里梁大通元
年將軍陳慶之攻魏渦陽克之卽此遺址存

按蒙城雙澗集有故城址相傳為古渦陽城梁書
魏救渦陽前軍至駝澗去渦陽四十里駝澗今蒙
城駱駝舖距雙澗集四十里則其為古渦陽城無
疑然爾時渦陽左右凡十三城必有一二城在縣
境者不必定以雙溝一城為渦陽耳

廢荆山郡馬頭縣卽新城

隋書地理志塗山舊曰當塗後齊改曰馬頭置荆
山郡開皇初廢

太平寰宇記馬頭城梁大通元年刺史劉公茂移居新城 又洛水流至新城村南十五里入淮

江南通志新城在懷遠縣西四十里

縣舊志新城在縣南四十里梁置馬頭郡刺史劉公茂所築北齊改為馬頭縣隋開皇初廢遺址存

考城

讀史方輿紀要考城在縣東南四十五里本漢陳留郡屬縣江左僑置于此沈約志考城縣屬盱眙郡蕭齊因之後廢

江南通志考城在懷遠縣南五十里沈約宋志云

懷遠縣志卷之十三

考城 十九

盱眙郡有考城縣蕭齊因之魏廢蓋卽此

乾隆府廳州縣志考城在縣東南四十五里

縣舊志考城在縣南五十里相傳爲漢考城縣遺址今爲考城舖東西大道通鳳壽等處

按此蓋僑縣宋書州郡志南兖州刺史部鎮廣陵有

盱眙太守領考城令南齊書同又云東燕郡江左分濮

陽所立領燕縣白馬平昌考城四縣文帝元嘉十

八年省考城併燕南齊書州郡志南徐州鎮京有

南濟陽郡領考城其地離此俱遠舊志以爲漢縣

遺址固謬通志以此爲盱眙所僑置之考城亦恐

未然也

前漢梁國留縣後漢章帝改曰考城屬陳留郡即今之考城縣

荆山城今謂之舊城

胡三省通鑑注

顯德四年

荆山在鍾離縣西八十三里

梁武帝築堰之地今懷遠軍正治荆山

讀史方輿紀要荆山城在縣治北三里亦謂之舊

城北魏所置城也梁天監十四年魏人以梁堰淮

水命楊大眼鎮荆山因築城置戍于此普通五年

北兗州刺史趙景悅圍魏荆山拔之魏將元琛赴

救復荆山戍既而荆山來降尋沒于東魏高齊因

置荆山郡治于此隋初郡廢唐為鍾離縣地五代

懷遠縣志卷之十三

考城戍

二十

周顯德四年圍唐壽州大破其援軍于紫金山餘

衆東走周軍夾岸追之周主自趙步循淮夾岸馳

至荆山洪距趙步二百餘里夜宿鎮淮軍因城之

蓋是時置軍築城也是年唐將郭廷謂將水軍斷

渦口浮梁又襲敗武寧節度使武行于定遠周主

因自石梁至鎮淮軍遂濟淮攻濠州宋初軍廢寶

祐五年賈似道奏以渦口上環荆山下連淮岸險

要可據遂置荆山縣改軍名懷遠以縣屬焉元改

軍為縣以荆山縣省入

大清一統志荆山故城在懷遠縣北後魏延昌四

年以梁堰淮水命楊大眼鎮荆山梁普通五年北
兗州刺史趙景悅圍魏荆山拔之高齊置荆山郡
隋廢九域志蘄縣有荆山鎮寶祐五年賈似道奏
以渦口上環荆山下連淮岸險要可據於此置懷
遠軍兼置荆山縣元改軍爲縣舊志荆山城在縣
北三里亦謂之舊城

江南通志荆山城在懷遠縣北三里亦謂之舊城
梁天鑑中魏人以梁堰淮水命楊大眼鎮荆山因
築城置戍焉

縣舊志舊城在縣北三里基存

懷遠縣志卷之三

考
城戍 主

乾隆府州廳縣志後魏荆山故城在縣北三里俗
謂之舊城

按今荆山山半土名老城埂其城址周山之南迤
邐而東遶山北至鳳皇池而止蓋卽當時荆山城
遺址也 又按梁方堰淮水魏安得以軍鎮荆山
意魏所置鎮在壽陽之北欠水之南特遙取荆山
以爲名耳然其地旣不可考而地志相仍皆同此
說姑從之

邊軍城無考

江南通志邊軍城在懷遠縣西八里宋末江淮安

撫使夏貴所築

縣舊志在縣北八里宋夏貴築遺址存

按今縣北八里更無遺跡豈卽指渦北之馬頭集耶

馬邱聚不知所在

續郡國志當塗有馬邱聚徐鳳反于此

太平寰宇記馬邱城續漢書云當塗有馬邱聚徐鳳反于此

江南通志馬邱城在定遠縣西南二十五里卽漢志當塗縣之馬邱聚也一名藍柵城

懷遠縣志卷之十三

考城戍 三

按馬邱聚亦曰馬邱城蓋卽馬頭郡所以立名當在今馬頭城附近故徐鳳據此以聚衆于塗山中耳以其爲扼要之地故其後遂置郡于此也通志謂在定遠西南二十五里殊悞

秦墟卽今之上窰

水經註洛水經曲陽故城又北歷秦墟

梁書曹世宗拔魏曲陽又拔秦墟

江南通志秦墟蓋亦當時戍守處與曲陽相近

按北人謂市集爲墟今自故曲陽縣而北惟上窰爲走集處又居兩山間得控扼之勢故當時置戍

於此後周顯德中李穀亦敗南唐兵於上窰也
禹墟在塗山下

水經註禹墟在山西南 又溪水引瀆注禹墟
漢書地理志注應劭曰禹所娶塗山侯國也有禹
墟

按禹墟宋時謂之禹會村見東坡詩今禹村岡正
當塗山南麓也

荏眉戍無考

南齊書崔祖思傳軍主崔孝伯過淮攻拔荏眉戍
殺戍主龍得侯及僞陽平太守郭杜羝館陶令張

懷遠縣志卷之十三

考
城戍

三

德濮陽令王明

江南通志莊眉戍在懷遠縣西北魏置齊建元二
年魏人攻鍾離徐州刺史崔文仲遣兵渡淮攻破
其荏眉戍是也

按魏書州郡楚州有北陽平郡領濮陽陽平二縣
陽平僑郡當卽置于荏眉戍楚州本僑置于鍾離
所領馬頭彭沛等郡多在縣境則荏眉戍亦當在
縣境矣通志以爲在縣西北不知別有所本否荏
作莊形近之訛

白鹿城在劉家集

水經註渠水篇沙水逕龍亢故城北又東南逕白鹿城北而東注

按欠水自龍亢而東水之南岸惟劉家集有古城址當卽白鹿城意爾時尙未置蕭縣耶

涓城今永平岡

水經注淮水東逕梁城城臨側淮川川左有涓城淮水左迤爲涓湖

按涓湖卽湯漁湖古梁城之左正當湯漁湖也今永平岡濱湖處遇水冲塌時有古城甃蓋卽古涓城矣

懷遠縣志卷之十三

考城成

三

柴王城在龍亢

崇寧寺東南有土壘周圍約四五里俗名柴王城蓋周顯德時南征屯兵處或云龍亢舊城非也今四面爲窮民叢葬處

團城

舊縣志在縣北二十五里遺址存

按城在肥河南大僅可周一里城已隳河之北爲古城村亦有一古城城基尙存皆當在北魏時渦陽十三城之內

古城

在欠河之北河溜之南土城也

新城

在縣治東南明崇禎時所築詳營建

縣境古城址可考者凡十有六處縣署後荆山之半

名老城埂北魏所置荆山軍也欠之南則孔岡漢平阿國南齊僑置已吾縣也

永平岡北魏滑城也劉家集水經注之白鹿城北魏所置蕭縣也渦之南則

葛山寺北魏葛山縣葛城戍也渦之北則故縣村漢向縣也龍亢集

漢龍亢縣也淮之北則拖城村漢義城國唐渦口城也淮之東則馬

頭城漢當塗國晉馬頭郡也新城梁劉公茂所移之馬頭也衆興集北魏梁城也

龍頭壩漢曲陽國也考城劉宋橋置縣也肥之北則古城村之西

懷遠縣志卷之三

考城戍

五

夾肥河有兩城北為古城南為團城龍亢又有柴王

城皆在渦陽當在北魏渦陽十三城之數而欠河劉鐵壩之北又有一

古城則不知其於古何當也鄉里所謂古堆者或舊

時置戍設守處或戰場京觀均不可知凡三十餘處

裴家汊溝東有郭家古堆溝西有言家古堆衆興集

西有五子古堆馬頭城東北有王家庄古堆郭陂塘

西有兩大古堆宋家溝東有沈家古堆或以為孫溝叔敖墓

西有梅家古堆上窰東西有兩九女古堆康家橋南

有古堆廟永平岡西有永寧古堆柳溝有四古堆溝

西三溝東一相距五里劉家集東北有大古堆萬福

集東有老鼠古堆西有竇家古堆曹老集西南有慌古堆在水又西南有大古堆二相傳曹操駐兵處何家集西

有崔家古堆顏家古堆西新集北有大古堆南有高皇廟古堆三官廟古堆古城村南有大古堆俗云渦陽王墓

烏雲寺西北有栢家古堆龍亢東北有何家古堆草市東北有茅冲古堆雙溝集北有陳厨廟古堆錢家

岡西北有金家廟岡子古堆故縣村東北有楊家古堆亦可為考古者之資也漢時列城壤地甚褊小渦

之北為龍亢為向為義成龍亢西至蘄縣義成東至鍾離皆不過數十里計三縣所占緣渦東西百里之

懷遠縣志卷之三
考
城戍
三

中耳南既逼渦北則浹相諸縣其間且不及百里渦

之南為平阿大抵東距淮北距渦南界下蔡西界蒙縱橫亦不過數十里淮之東為當塗為曲陽當塗西

北距淮南距洛東界陰陵曲陽北距洛西距淮北界壽春東界東城縱橫亦俱不及百里雖其疆理不可

盡指而按地度勢大概較然可知意秦漢時生聚頗繁以戶口定縣籍不計地之廣狹及其衰耗遂一并

而不可復分也漢時郡縣多以大川為界如沛與九江以淮為界是也後漢以平阿義成屬九江則九江

之界跨淮續志注謂平阿有塗山則平阿之界跨淮

矣意其時義成平阿遷治淮南然自來方志無
有言之者謂平阿有塗山或是續志之誤濱渦

諸縣亦以渦爲界水經注謂沙水至義城南入淮其
誤顯然漢書地理志注渦水至向以淮水經注亦云
北肥水至義城南入渦則向之東義成之西又以肥
爲界矣義成安能越向而至沙水耶南北分疆各劃
淮而守故南鎮馬頭北鎮渦陽其自壽春爭鍾離則
守梁城其大勢也宋軍荆山寔爲無策其意以爲阻
水而負山耳不知山旣單狹無容屯之處渦水上流
褰裳可涉敵旣入渦則水無可恃敵若由陸而至則
此軍三面阻水進不能前退無可走是爲置軍死地

懷遠縣志卷之十三

考
城戍 七

幸元人專意襄漢不之爭耳